

kaupa fyrir fjós á jörðinni Daufá, er slíkt hús eptir eldri og nýrri úttektargjörðum eigi hafi fylgt jörð þessari. 1861.
5. júlím.

Þetta sè yður til vitundar gefið, yður til leiðbeiningar.

35. Bréf dómsmálastjórnarinnar til stiptamtannsins yfir Íslandi, um leyfisbréf til að hafa veitingahús í Reykjavík. 5. júlím.

Eptir að dómsmálastjórnin með bréfi yðar, herra stiptamtmaður, 28. febrúarm. þ. á., hefir fengið álitsskjöl frá bæjarfógetanum og bæjarstjórninni í Reykjavíkur kaupstað, um það, hvort ástæða sè til að veita N. Jørgensen, er fyrrum var gestgjafi í veitingahúsi því, sem kallað er „Scandinavia“, leyfisbréf til að hafa veitingar og gestaherbergi á öðrum stað í kaupstaðnum, m. m., skal yður það til vitundar gefið, sjálfum yður til leiðbeiningar, og til þess þér gjörð frekari ráðstafanir í því efni, að eptir þeim skýrslum, sem nú eru framkomnar um það, hvernig ástatt er, má veita Jørgensen leyfisbréf með vanalegum kjörum, svo sem hann hefir um beðið í bænarskrá þeirri, er fylgir bréfi þessu.

36. Bréf dómsmálastjórnarinnar til amtmannsins yfir norður- og austurumdæminu, um styrk handa ekkju Briems kammerráðs, fyrrum sýslumanns í Eyjafjarðar sýslu. 5. júlím.

Eptir bænarskrá, er þér, herra amtmáður, hafið sent hingað með bréfi 17. febrúarm. þ. á., hefir dómsmálastjórnin veitt Valgerði Árnadóttur á Grund, ekkju Briems kammerráðs, fyrrum sýslumanns í Eyjafjarðar sýslu, 20 ríkisdala styrk, og hefir landfógetanum á Íslandi í dag verið boðið að greiða fè þetta úr jarðabókarsjóði landsins.

1861. Þetta sé yður til vitundar gefið, sjálfum yður til leiðbeiningar
5. júlím. og til auglýsingar.

5. júlím. 37. Bréf dómsmálastjórnarinnar til stiptamtmannsins
yfir Íslandi, um kostnað við að senda fanga til átt-
haga sinna.

Með því amtmaðurinn yfir norður- og austurumdæminu hefir færzt undan að láta eptir tilmælum yðar borga úr hlutaðeiganda sveitarsjóði 13 rdl. 48 sk., til að endurgjalda lögreglusjóði Kaupmannahafnar kostnað, er reis af því, er leystur fangi, Jónas Sigfússon, var sendur til átt Haga sinna á Íslandi árið 1859, er amtmaður hélt að kostnað þenna bæri að greiða úr dómsmálasjóði Íslands, þá hafið þér, herra stiptamtmaður, í bréfi 21. marzmánaðar, er síðast leið, beiðzt úrskurðar dómsmálastjórnarinnar um það, hvort dómsmálasjóðurinn eigi ekki að vera laus við kostnað þenna, og hvort eigi beri að greiða hann á þann hátt, sem að undanfögnu hafi tíðkazt í suðurumdæminu, þegar um þess konar gjöld hefir verið að ræða, en það er á þann hátt, að hann sé greiddur af framfærslusveit þess, er hlut á að máli.

Út af þessu skal yður það til vitundar gefið, sjálfum yður til leiðbeiningar og til þess þér hlutist til um það, er þarf í því efni, að þareð það er ákveðið í kanselfbréfi 6. nóvemberm. 1845, að greiða skuli fyrst um sinn úr dómsmálasjóði Íslands kostnað, er rís af því, að afbrotamenn, sem búið er að láta lausa, eru sendir til átt Haga sinna á Íslandi, þá ber að greiða úr sjóði þessum kostnað þann, er reis af heimför Jónasar Sigfússonar, og hefir Havstein amtmanni í dag verið ritað um þetta efni.

5. júlím. 38. Bréf dómsmálastjórnarinnar til amtmannsins yfir
norður- og austurumdæminu, um skil fyrir láni,
er veitt var Skagafjarðarsýslu.

Í bænarskrá, er hingað kom með bréfi yðar, herra amtmaður, 18. febrúarm., er síðast leið, hefir Eggert Briem, sýslumaður í